

# ¡BOMBA!

En época de huracanes suele darse la ocasión: se exige demostración de temple de capitanes



# K'uintsil

Martes 8 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2336 · [www.lajornadamaya.mx](http://www.lajornadamaya.mx)



## U súutukil ch'eench'enkil ti'al u chíimpolta'al Ifigenia Martínez

▲ Oochel Luis Castillo

Ka'alikil ets'kúunsa'an u reostos Ifigenia Martínez y Hernández, xmukulta'ab jump'éeel minuto ti'al u chíimpolta'al u kuxtal. Leti'e' ku jo'olbesik ka'ach Cámara de Diputados; jsa'at u kuxtal le sábado máanika, ba'ale' le lunesa' chíimpolta'ab yéetel jump'éeel óomenajee tu kúuchil San Lázaro.

Te'el súutuko, muuch'ul kex chéen 100 ti' u máakil'ob le Cámara, ti' le 628 u túul unaj u yantal'ob, ichil séenadorées yéetel díiputadóos.

Tumen ma' chochobkile, kex media ooráa antes u káajale, jt'a'an u jeel máako'ob ku meyaj'ob ti' uláak' jaatso'ob ti' le Cámara de Diputados, ti'al u bin'ob kutsal tu'ux mina'an máaki'.

Xka'ansaj Ifigenia Martínez k'a'ajsa'ab "yóok'olal u noj jo'olbesajil ko'olel yéetel beey juntúul máak jejeláas bix úuchik u ba'atel ti'al u yantal déemokrasyáa yéetel justiiyáa tu noj lu'umil México; u chiikual u

je'ebel joolnaj ti' u jeel máako'ob ku taalo'ob paachil".

Jach ta'aytak u chukik chúumuk k'iin ka'ah k'uch kis buuts' tu'ux na'aksa'an u wiinkilal Martínez y Hernández, K'ama'ab tumen díiputadóos yéetel séenadores ti' jejeláas múuch'kabil'ob, je'el bix xan tumen máax'ob táaka'an ichil u múuch'il meyaj jala'ach Claudia Sheinbaum.

Yéetel jump'éeel kóom cha'an e'esa'ab te'el kúuchilo, k'a'ajsa'ab jump'íit ti' le meyaj tu beetajo'.

Síij tu k'iinil 16 ti' junio ti' u ja'abil 1925, tu noj kaajil Ciudad de México. X-économista, yéetel xka'ansaj. Tu jo'olbesaj Cámara de Diputados, ts'o'oke' leti'e' yáax xmexikoil ko'olel béeychaj u ts'o'oksik u xookil maestría tu noj kaajil Harvard.

Ka tu k'amaj u kuuchil u beetik u xjala'ach Claudia Sheinbaume', tu k'ubaj u baanda presideinsyaalil tumen leti' jo'olbesik Cámara de Diputados te'el k'inako'.